

(<https://news.usm.my>)

Berita Mutakhir

01

DEC



NIBONG TEBAL, 1 Disember 2016 - Seramai 37 orang kanak-kanak menyertai program khatan perdana anjuran Jawatankuasa Maalhijrah dan Maulidur Rasul, Peringkat Kampus Kejuruteraan, Universiti Sains Malaysia (USM) di sini hari ini.

Menurut Pengerusi Program, Mohd Fazly Yusof, mereka yang berusia dari tujuh tahun hingga 12 tahun merupakan anak-anak kakitangan USM dan masyarakat sekitar.

"Program ini diharap dapat mengeratkan hubungan antara staf dengan masyarakat serta dalam kalangan anak-anak yang menyertai program ini," katanya.



Sebelum program khitan bermula, kanak-kanak dimandikan dengan air semburan dengan menggunakan kenderaan Jabatan Bomba dan Penyelamat Malaysia (JBPM), Cawangan Nibong Tebal.

Mohd Fazly yang juga Penolong Setiausaha, Kelab Kebajikan dan Sukan Staf Kejuruteraan (KKSSK) berkata, pihaknya turut mendapat kerjasama daripada pegawai-pegawai perubatan dari Unit Kesihatan, Kampus Kejuruteraan, Pusat Sejahtera USM, Hospital Seberang Jaya dan Hospital Taiping.

"Kita akan jadikan program ini sebagai acara tahunan dengan sasaran bilangan penyertaan yang lebih ramai," jelasnya.



Program yang julung kali diadakan ini dapat meringankan beban ibu bapa bagi melaksanakan tuntutan berkhatan.

Ibubapa dan warga kampus yang menyaksikan pelbagai gelagat peserta yang pasti menjadi kenangan kepada mereka turut disajikan dengan jamuan kenduri akikah.

Seramai lebih 25 orang sukarelawan dari My Pusat Islam, Kampus Kejuruteraan dan pekerja kontrak pembersihan membantu menjayakan program ini.



Yang turut hadir Pengarah Pusat Islam USM, Profesor Madya Dr. Sofri Yahya; Pengarah Pusat Penyelidikan Kejuruteraan Sungai dan Saliran Bandar (REDAC), Prof. Dr. Nor Azazi Zakaria; Timbalan Pengarah Pusat Islam USM, Ustaz Mohd Yusof Abd. Rahim dan Pakar Bedah, Hospital Seberang Jaya, Dr. Imran Khalid.

Teks: Mohd Kamil Ashar



Share This

Pusat Media dan Perhubungan Awam / Media and Public Relations Centre

Level 1, Building E42, Chancellory II, Universiti Sains Malaysia, 11800 USM, Pulau Pinang Malaysia

Tel : +604-653 3888 | Fax : +604-658 9666 | Email : pro@usm.my (<mailto:pro@usm.my>)

Laman Web Rasmi / Official Website : [Universiti Sains Malaysia \(http://www.usm.my\)](http://www.usm.my)

[Client Feedback / Comments \(http://web.usm.my/smbp/maklumbalas.asp\)](http://web.usm.my/smbp/maklumbalas.asp) | USM News Portal. Hakcipta Terpelihara USM 2015

